

程

漁村詩集卷二十

感桐葉如花作歌

歙汪灼

三月初生疑作花日光返照如流霞樹頭四出葉團聚
倒挂一枝亭半遮手種煎腸五十秋孝思日遠雲油
河圖不出鳥不至坐對碧梧增怨尤于今老去情嬾惰
六經疑義輕放過日繙著述校丹黃據榻北窗惟欲臥
子規故、空啼血可恠晨昏聲不絕陶令歸山胡太遲
攬鏡髻須皆白雪磷、谿石畏觸薄放渡水漲嗟無涯
崔嵬祇苦兩腳軟蝸角拘身難遣懷毛詩隨意周韻讀

韻、歸原勝歌曲三春紅紫已飄風將葉當花寄高矚
詩朋零落曲友疎一尊清濁酒自娛數罷荷錢逐飛蝶
偷閑學少夫何愚先君諱梧鳳種梧於拜經草堂即二名不偏諱之意
紀昌兒歸答語示以二絕句
孫傷死別子生離千里歸途一慟之對以康居雙白髮
兒生歡喜敢生悲
古聖人云孝色難爾形含悴強為懽果能意豁消邁軸
堂上二親憂自寬

晚春遣悶贈鮑葉二老人

催林

麥黃快清齋葉綠惜濃陰閣小殘虹架池寬過鳥沈論

文狂脫帽知韻雅援琴月或二三至交情老更深

村人

夜放

以喜字風箏詩索和勉酬二韻

乘風得意共雲浮萬點星光月一鉤忽起歌聲落空谷
齊王心喜楚王憂

繡毬花

阿誰工刺繡空繫百千毬富貴花零落白衣人獨留

溪上

溪上縛茆亭野刹相倚著路坦通南北上鎮下城郭渴
者待煮茗飢者就噉飯車馬日紛馳絕少抱佛腳孤僧
面枯瘦白鳥羽肥澤雖無焚香人幸有眠雲客登樓莫

欠伸觸頤防檐角窗推一窮日風景殊不惡青山列如
屏綠柳圍似幕天長水亦長千里同一勺鷗鷺波中流
魚龍空際躍春桃樹萬千秋菊圃十百詎意此荒邨兩
獲陶公癖歌詩動天聽風聲水聲寂鶯飛馬不嘶霞落
車斷迹便為溪上翁載酒隨所適

立夏前作

日光流鑠雨絲稠歷境無常不自由鬱燠襦撻方裸體
峭寒嚴釣又披裘鳥聞詠夏、將至花看殿春、莫留
佇立海天勢空闊浮生恰似一沙鷗

觀某氏廢園壁花

苔逕滑人行園空覆綠陰詎知叢木外更有薜蘿深客
醉丹塗壁霞烘碧耀金九分春色盡特為一分尋

明日
立夏

賴壁間紅白二花
留得一分春色也

寒月

月明瑾戶辜詩興看到穿雲夜半殘誰贈榆錢買東海
酣歌入夢不知寒

出紀所見

趁陰拖杖訪林泉多見僧家少論禪風細陣催谿面皺
雨稀點著沼心圓一枰松下聽傳子八體山中看落烟
莫恠老夫無箇事經言究罷抱雲眠

撮蠶

窗明剔衣縫眼昏藉鏡光空腹半少血羸形多自強縱
弗弔湯沐若將飢芟止父母愛子孫不肯死不傷况爾
非後昆予豈為爺孀借曰生於我胡然忍相戕此身固
牛豕彼命亦灾殃世事未敢言敢學捫蝨狂

立夏未刻大風雷雨

迎夏脫春衣偕童還浴沂電以升龍見雷因逐鬼威歸
禽翼偏重歌樹葉隨飛晚霽觀麥色救得半秋饑

鵲哺雛

雨過空齋為洗梧望中青翠絕塵汗最高枝下忽飛上

十二辰忙鵲哺雛

夏雨

夏雨忽嚴寒山谿四起瀾敝裘堪冷煖濁酒任甜酸得
意魚龍躍忘貧竈釜殘樓頭勢千頃卧水笑袁安

朱勳門過訪

別離三十載一見似膠黏使我開青眼看君披白髯經
傳孫可喜臂病筆難拈僧道西谿路偕遊亦子瞻

索書愧不應命其孫十二
齡熟讀五經論孟可喜也

剔牙松移種石假山

肴糈塞齒老堪嗟翠鬣針堅好剔牙易地再窺人壽夭

培根永錮歲烟霞三，徑曲幹偏直六，峰高枝任斜
待得月明溪落影溯洄秋水詠蒹葭

哀山村

坐歎讀書失真種山村風氣不似初老儉生兒願估客
少婦于歸空販夫朝暮銅陵夕金穴室堆珠玉身羅襦
那識窮棲勝於昔徒學諂媚供人驅家中老儉忍飢凍
歲，少婦空房居春花載酒挈朋少秋月度曲幽情辜
縱有六七童子試三十四猶之無字寬敢謂無殉業
文章理道知讀書若果人，自古多牽車空傳曬腹帶
經鉏秦皇奚必事坑儒

樓中晚眺

萬仞參空一水遙風敲梧竹韻蕭，樓紅日落隴頭綠
疑是宋人潛堰苗

桐花

垂，花百尺五月朔流香遊蜂天半聚清影日中涼目
送色常澹亭遙枝更揚力飲謝人事冥然老此鄉今之
周之三月也故禮云三月桐始華相傳清明即花恐未然

池荷

亭，承露早迎暉世復輕狂笑爾肥縱比太真增豔麗
何如清白壽王妃

七十自壽詩

老不徒老許稱老味道含經體堅好何須赤松黃石引

長年元卿之瓜安期棗詩聯中贈語五福獨崇攸好德宜向

此中細探討余生七十犬馬齒際此年華亦偶爾曩恨

歸山日太遲少壯奔走風塵裏未有涓埃答

聖朝杜一介明經困鄉里讀經拜經六十秋漢魏晉唐

尚論矣逢壽介壽二三老澄齋陶人谿山花月餘生耳特書

柱語縣中堂範我三孫竝四子皆云閉戶著書多歲月

復得煙雲供養聊自喜赤城霞擁扶桑暎初照芙蓉出

水紅紫薇一樹光滿室碧梧高插天之中跼謝乾坤父

母恩揆髯攬鏡嗤衰翁聰明不及於當時道德日負乎

初衷本韓子五歲徒似古柏高臥孔明廟耄難好學慚武公

落蓐乾隆歲戊辰墨潑辰龍當寫真惜尔蛻蜚壁間未

飛去作歌軸首期通神僉曰字畫詩三絕廣陵裝縹墨

色新可恠入幕之賓見詩字愛而割去母生暝斯時嘉

慶丁丑季夏月七日中陽正驕天青地赤火雲燒侵

肌百孔汗黏葛田禾旱甚半枯焦華堂筵開肅冠帶蘭

膏朱火輝九霄明星乍滅天宇黑雲油一兮風蕭一座

客不煩解衣盤磚執團扇十斗沈頓祛氛囂勿鄙臧肴

厭兼味快食蓮藕分啖桃笛笙絃鼓音四合兩腋徐飈

更蕭颯歌聲激落屋梁塵竹木高下爭長揖曲終送客
風轉急回身兀坐管寧榻少焉金蛇一掣雷震驚飛龍
飛空雨紛霽親朋歸去恰三更緩步入門衣不溼暑退
府藏生清涼長吟象簟枕山閣生遭

感世感天心好雨初收鈴語塔

自壽聯云讀五經拜五

七秩介七秩谿山花月我餘生昔作三
老傳有老不易稱人不徒老之句

病中

空山不住叫林鳩辰辰殘荷到午收政是炎蒸三伏日
蕭蕭冷落似深秋

東軒假寐看遊魚暑氣全消七月初點滴蕉聲敲竹韻
茂陵恰好病相如

亡妻鄭氏七十生忌辰

窈窕幽容皓鬢郎生前生後此情長少能佐讀成豪士
老不扶衰入醉鄉天外飄香蛩叫絕雲中漏日雨來狂
迨、四十三秋夜碎落燈花獨感傷

仲秋初即事

十里村農鋤刈忙東鄰西舍慶倉箱老夫負郭無一畝
終歲筆耕謀稻粱

風擾高梧落子輕香從破殼味來清此心靜到空處
惟有秋蟬深樹鳴

黃山一角樓秋感

欲雨雲四合橫天鳥獨飛黃山開一角峰勢蔚崔巍感
宋吟肩聳延枚酒力微老勤猶幼學日坐百城圍

八月十五夜月

荒村人家犬吠影皓魄雲移枝上墻不似二分明月好
廿年清夢寄維揚

菊桂合詠

古桂三開菊半黃持螯撫菊桂添香紛，多士月中折
落，孤蹤籬下藏雲淨諸峰列窗牖眼明一水橫石梁
笑約同人挾空去谿山供寫大文章

重九

一宵風雨連重九草閣青，松染袍登高作賦望年少
分啖諸孫棗栗糕

二四小子舟發蘭江四有雲間之行

垂老諸兒喜作儔貧因分遂稻梁謀無情最是初冬雨
二尺波興送客舟

審音知韻曲彌高聚唱龍山感李搔謂四此去連吟兄
弟樂滿江烟月好敲螯

短歌

坐卧二丈閣冥心師古人得志歸林尚如此矧乃士賤

終長貧鳴促織層陰雲打窗風雨近兩袖手不作字閉
目不觀書悠然對山忘其身不見不聞謝世事銷磨歲
月還襟淳

鶴競巢

雙雉構巢雙梧顛歷予歸山二十年歲，哺雛三或五
少遷異地老故園時愁羣鳥欲爭占旁招他鶴逐聲喧
夏秋又苦鸛鶴汚夜不擇宿棲檐前小寒除舊架新棒
諺語細枝曰棒非本字義知背歲得陽氣先可恠含經半隱閣耳根

難靜心煩煎何來十百曉，鳥飛峻上與浮雲連東衝
西射若流矢北擊南攻猶決川忽舉忽集左右顧去住
靡定林中穿巧鬪以喙拙以爪滾，墮地旋冲天勢孤
那敵衆翼奮護巢哀鳴亦可憐擲石至三始驚逸為尔
一鼓清風絃月光徘徊上東軒聽聲信喜枝頭友今後
安穩據梧眠

仲冬初即事

不霜不雪雨聲喧欲遣閑愁藉酒尊得暖鼠偷穿枕慢
避寒雀畏噪朝昏枝裝黃蠟鼻方觸子染丹砂眉又軒
獨向南樓繙積帖三希堂聚古人魂

御刻三希堂石渠寶笈法帖自晉

至明宋美畢具且礪石精妙奇觀也惜拓本無幾遽入萬年壽藏世不可多見

題方雨邨黃海留蹤詩草後

時雨邨有喪明之慟

得句可青名士眼傷心多白老夫頭一枝筇竹挂瓢去
兩箇詩僧載月遊海雲起滅渾無定人世彭殤詎有由
昔日夢吟今日醒留蹤隨讀景隨收曾作夢遊黃山吟百四十韻

題鄭板橋畫蘭

幽士對山居意氣遙相得高據巖之顛低依竹之側風
清識真味月明逞顏色莫歎王者香而佩善人德舉世
爭寫蘭題句復補白何如老鄭度異趣隨習墨

十一月十五夜月

是日適冬至山雪晴明

長年皆倒影短至恰當頭雪直條挂波圓箇浮不
見飛乾鵲徒聞斗沐猴相逢七十載獨戴立沙洲

我生惟影伴戚影益形單緩步大空吠作儔松落寒時

驚冬已半景惜漏將殘醉吟隨所有未事嘔心肝

謝贈家園茶花

諺曰茶窠每數十團在屋旁左右李氏名家園茶以別於山茶種類

冬來百卉飄殘後宿霧濛山氣昏西寺東鄰攢白雪
數枝折贈也勾魂

讀高忠憲傳感書

公名攀龍字存之時稱景逸先生

大臣不辱國冠帶夜沈池一死法千古屈先君後之義
析忠奸黨精專閩洛師平生事合道震孟豈虛辭

臥吟

日落同雲不見雲霏風雪舞檐楹湯婆溫足可安箬

被子蒙頭忘報更莫訝清流惟死得也知媚竈祇生榮
思長歲短難成夢青史人才偶論評
以錫器盛熱水置被中曰湯婆并被

子皆諺名

季冬朔一日烘梅烘放

束袖觀梅手嬾搵蕊肥伸折火邊催燈青柱挂檐牙白
數點燕脂淡抹顯

影落疎香暗來洵知人可異天回小伶冷畏歌豔曲
花自先春侑酒杯

冬日感書

半池泉水半池冰貌鑿清臞心鑿激却飯席之真志士

審機空隱是高僧十三經義疑難質廿二朝人政可憑
老不知今徒好古應教儉父笑無能

探梅

五

探梅故，數巡檐紅萼初圓綠半尖鴉帶夕陽歸樹杪
遠山煙抹月穿簾

哭老友何數峰青

丁丑季冬月將望夜驚聞訃自揚州病歸於十
一月廿七日沒鳩江旅次時年七十有一恨
衰疾不能往奠走筆成七言長句三章以當
馮棺一慟會懇輓書之俾黏靈右

乙歲把袂觀苔梅
丁年憶舊秋
先哀風嚴日
匿雲四合
箕斗光埋月
不來坐聽雪
珠跳瓦屋
打門送訃
肝腸摧
手顫魂驚
墮酒杯
秋日作
懷君詩

昔夢月照君顏色
半醉呵余酒量窄
人中行誼詩中豪
笑語和柔學弗得
倏然楚水條
吳山南朔東西多轍迹
生辰七十胡不歸
散髮又作天涯客

欲淚不淚老眼枯
賞奇析疑今絕無
偕遊泮宮五旬餘
君聲粵績我著書
不倦觀齋寫芍藥
不踈園梅琢句臞
有酒誰迭為主賓
茫茫他日期泉途
不倦觀君家句園
中齋名屬予草書

為額又曾疊用坡仙松風亭詩
韻為余賦不踈園十一樹梅花

梅下作

十日風霾凍不開
懷人心事化飛灰
梅肥得雨紅先綻
無復白頭何遜來
前寄數峯詩有白
頭何遜看花來句

十二月二十八日雪

當階雪盈尺年豐呈瑞多
袁門甘自餓焦寢教誰過
走險投書啟含悲寄挽歌
梅花尋負約春待渡長河
是日松江

除日春

臘盡廿九日春來歲又除
窺園穿雪徑方寸總清虛
登閣白千里橫窗綠半裾
頭顱將已秃短髮不堪梳
雪中梅蕊

改肥不似少年
必剃髮過新歲

除夜步雪

雞鳴犬吠識昇平不聽號寒索債聲
溪岸夾村燈火映雪光猶戴月光行

戊寅元旦後連雪

去垢連加白天疑粉飾工詎知湯聖德
盡在日新中學至老猶壯時隨遇亦通關
河三尺雪歸不歎途窮

晚登六宜亭

亭孤峰擁晚霞浮獻歲初晴解宿憂
雪到半殘紅屋角春將滿布白谿頭
蕭蕭竹韻連松韻細細波流逐月流

聽頌遺蝗深入地綠疇先看麥爭抽

紅梅欲開
綠蕙漸白

人日

才觀破萼向南枝小雀驚柯啁落泥
人喜晴光腰脚健唯余春韭翦來齊

風塵奔走不如人功利卑見獨真一冊考程書得失

山中巾幅慕居仁

居仁明人姓
胡氏字叔心

前題

洗盞俛流水松林月一鉤老逢人日少秉燭為朋遊

初春紀所見

碧梧高噪喜風鴉十一樹梅枝半斜
春暖紫霞飛落處

滿畦諸葛菜開花

正月九日月

晚風輕拂白雲移下照庭方上半規色未光明眼昏眊
觀書梯月已非時

青嵐老人過訪不遇

老人姓鄭氏名崇年七十有四家鄰村貞白里工詩

廿年不見傲心同檢索惟詩紀越東邛竹拄門懷出刺

鄭崇半死白頭翁

刺印圖書三方曰鄭曰崇背曰半死白頭翁

春雪放歌

晨興啟門光滿室積庭堆瓦又盈尺天心弗念貧者多
富守紅爐頌聲作雖然春樹暫封條不待見現始曰消

拾級登亭一窮目覺有瑤臺碧闕遠嵌山之椒返步觀
棋袖兩手指寒勸君酌大斗枰中一片殺伐機俾我膽
驚坐難久戴華陽披羽衣偶吹鐵笛梅花弄侍兒爭歌
白雪辭仿髯廉夫招友共吟詩

作草書偶成二韻

杜門染翰飛觥後覺有雲煙滿戶生假我十年書萬紙
也方二宋史留名

元宵雪贈葉澄齋鮑陶人

仰憶中秋月俛聽元宵雪世傳中元有月相應上元明
孰意雨、風、亭午飛玉屑銀花火樹却景無綠酒紅

簫鼓歌老夫劇愛雪光代月光高歌獨酌搖不律因羨
鮑葉比鄰兩鐵崖卜晝卜夜歡接膝連吟紀瑞慶佳節
示外孫羅亨鐸 并序

憶丁丑之秋有錦堂劉姓者善推算多驗謂甥
命為壬騎龍背定作詞臣清美之官予憫其父
死而生因詩以誌先兆

詩稱絕唱筆如椽期爾生同聶大年他日翰林繩祖武

旌門待

詔母兒賢

曾祖諱廷梅
官太史氏

雨中觀梅

寂坐望寒梅輕風細雨開性情偏耐冷香發暗中來世

澹心無累神清境絕埃孤亭日登眺零落亦堪哀

四十年前

種十一樹今
存者僅五六

恨梅曲

門無轍迹溪多鷺三史六經悅朝暮惜過三五月盈時
美人不來花滿樹手種十梅經四旬蟲穿雪折未許親
獨不見蒼年誤述王元翰梅源萬本淞江濱冷鴉啼雨
春酒熟猶對高士飲空谷一咲新植著花無多枝老幹
英繁感我腸斷曲

聞誦新安三老傳書一截句贈之

春水滿谿月半船山居供養有雲烟掀髯聽說新安傳

此境何如昔練川

雨多春恨

春寒春燠雨垂麻水漲橋傾慕釣車
我當風流淚眼窺他溼袂帶愁花
年華七十叟誰薦時務八千言敢誇
日錄一詩費一紙不才應作繫匏瓜

洪波報道沒沙汀榻坐臨窗背誦經
漏室曝書無朗日歲初觀象少明星
囊琴不放溪西渡門奕惟聞閣北鈴
賴有梅枝斜竹外飛來小雀看梳翎

春寒偶檢三老元夜寄懷之作戲書

春風喜北怕吹南瘦極冬裘力弗擔
書換一餅田舍酒

山龍過罷笑童

酣過山龍
吸酒器

鮑詩齟齬葉談諧老境香山得句佳
味異酸醎了不識齋開笑口賞澄齋

半隱閣綠萼梅

植自

先大父手花茂視昔因

感六宜亭環山種梅十一樹末五十秋
半傷於

蟻作歌以自悲

皎潔屈盤池閣外根露祖澤若深淵
嗟余德薄樹遭蠹媿對此花開百年

家耕巖七十壽

粘苔畏著遊春屐詩祝耕巖七十翁
百里山溪一朝雨

老龍破浪躍雲中

梅雨歎

風刺凍梨面冷滴摧梅雨天空青一角白雲遽奔補苔
榦半凋^殘奚惜風雨侮香不從暗生影亦少踈所諸孫幼
無識競向花前舞慚為西溪翁堅辭作花主霞流間雪
飛好境徒傳語悲歌首自搔劫灰視今古

老梅行

皮烏皴裂猶松鱗青天日朗花傳神身到樹間矯厥首
枝上仰眼欲昏梯步東樓俛花頂雪浪直撲樓中人

此時避浪無處所倏爾墮空埋白雲幹蟠瘦硬枝軟弱
匪由工巧造自天著花茂密撐傲骨飽受風露幾百春
祖德尚可及草木而矧高厚貽子孫昔年看花偕數峰
今日吟詩獨漁村倒挂清池長十尺誰云覺夢能返魂
歌成新曲援琴彈香來沁人肺腑寒梅為先大父手
植數峯何青字也

曾與詠梅令
逝四閱月

詠梅

強撐瘦骨作梅儔歲值繁花看不休冷蜨愛穿愁榦曲
和風輕扇護枝柔辭無李白笛空弄卧有袁安雪似浮
可惜參橫少明月美人遮面老人羞

別韻觀梅

別韻不疎
園中軒名

梅開不倦觀又列夕陽殘清麗落溪淺孤高增月寒枝
疎影亦瘦色澹味須餐別有香中韻無言倚竹竿

老梅

不怨著花少一枝嫌半開高攀折在手仔細看增哀

春生異寒適葉老人招飲歸詠

歸醉冒飛雪不知更欲闌出郊四莽蒼入戶一淒酸骨

老覺風刺衣多遮肉寒撥爐重煖酒孤影伴芳蘭

半素幽蘭

諺以心不全素故名

寒梅飄散月初臨挹得幽香帶酒斟惜爾胎凡脫難盡

紅埃一點攪清心

仲春十二夜月

夕陽半銜山新月已棲樹瞬息日全匿霞落帶歸鶯皎
皎精光臨不辨鶴與鷺西子慘澹妝猶到林間住峰高
色逾寒水寬影遲渡莫畏逼毛髮飛，烏鵲誤老去嬾

聽簫閑味酒中趣

遲開之
梅欲殘

家貢廷姪疾終武林旅次作歌四十字以紓哀

阿咸秋握手春水四船移客斷錢唐夢魂探黃海奇擘

窠循古法輯句采名詩梅景嗟無影空懷南北枝

梅景
姪別

號時二月十三日
梅花飄落已盡也

不寐

昔贈詩聯今古人裝池挂壁見朋情林因鼠鬪銀鉤動

雷雨終宵夢不成

所贈詩聯係吳野馬柯數舉林豫章張夢晚家瑤圃諸人演本去聲今俗作畢

典衣沽酒為春寒薄魯易醒主又單哭罷少年思老友

兩魂歸歎路塗難

老友謂數舉少年家貢廷姪去冬何歿鳩江今春姪歿武林不勝驚悼嗟

訝淮南子魯酒薄而邯鄲圍故諺以酒淡者為薄魯

梅山道中

麥苗豆莢隨風抽氣寒日落雲油、筍輿肩我上山頂

青、寸草號松楸隣墳新阡勢赫耀恃有金穴埋荒邱

掉頭不顧拂塵去任爾竊笑垂胡牛宅兆今卜五十秋

待觀孫曾出人頭

感書示本昌二兒

溪桃壯春色半放雨先殘事變情毋變時難處亦難誠

明祛妄念忠信絕狂瀾老飲易沈頓看山憑曲闌

三月朔一日葉澄齋招飲

桃花萬樹一龍舟擬泛谿東盡日遊節值清明魂也斷

滿郊風雨噫松楸

笑語却忘春雨恨樽開芸閣聽弦歌雞豚爛適老人口

飲到燭殘情轉多

庚

梧纏紫藤開集花下口占贈善飲者

酒斟量斗耻量升白也名留後世稱一樹藤花助春色
滿園都是紫霞蒸

題青嵐山人海棠秋院記冊時將遊閩越即贈之

行

海棠舊冊索新章名贅山中一老狂賴有高文住秋色
風生也斷美人腸

澄霽秋空好擢船異鄉師唱弟吟聯君今佐治七旬四

政是渭濱垂釣年

故友寧波洪君之子
官於閩為鄭門高弟

病中詠瓶芍藥

清和當首夏猶占一枝春藉尔好顏色開余病笑嘔死灰

風動念生趣筆傳神半月相依倚將離獨此身

端陽喜雨

拖藜出戶日初明早甚新秧插不成半壁花紅齊一丈
滿鐘蒲綠抵千兵雲馳水榭空留影雨灑蕉盆細作聲
方恐泥堅徒霖霖宵中豐注老人驚

漁村詩集卷二十一

戊寅夏至日作

歎汪灼

詩田寒過大水寒春服已典夏葛單惟有子陵散裘猶
在笥披之體溫情亦歡日幸亭午不喘促健步園林快
窮目今年桐開胡太遲節屆夏至氣方足枝老橫來十
丈長半遮玉露半蓮塘萬葉花無一柄發高桐香遜低
荷香小兒拍手笑我著羊裘那知骨瘦難敵風颼颼出
買谿魚歸一醉擁書萬卷外無求愁聽青天望雨到三

秋諺語相傳如此

鎮孫十歲性好書弄紙筆因賜以筆墨元銀詩扇
四種

兩世傳經尔繼之可人十歲解毛詩明元商輅令錢滌
墨舞筆歌雄一時

不踈園遺興

何幸遺園少俗情南軒嘯傲一身輕門常冷寂山增色
耳絕鶯煩水作聲莫惜花難經久豔奚猜鳥故不平鳴
暮年攝養猶書計豈羨肴糗棄菜羹

偶檢少年停車坐愛楓林晚小影張壁蜀勝今昔
哀秀之感走筆題二韻

不愛春花愛秋樹于今五十有三年相看迥異輕肥相
少掩雲關老石泉時年七十一

涼風

涼風下庭際兀坐披前襟既散日中暑尤清醉後心綠
蕉隨蜨舞白鷺共雲沈不住蟬聲送送深樹林

弟少海七十生忌辰

恍聽遺容氣息聲老人著枕夢中驚怡絕少壯宜兄弟
落絕衰殘異死生春酒敬擊魂欲斷秋風愁拂日初明
迴思四十稱觴客同詠池蓮句獨清

妾詹氏六十生忌辰

空堂月白一燈青
淡落停杯詠小星
恹恹海棠貪睡穩
秋風秋雨喚難醒

聽雨軒觀荷

蟬噪晨光到日黃
聽無雨滴看雲翔
縱然酷暑如貪吏
靜對池荷心自涼

月過橋來倒花影
亭孤直任風搖
品超衆卉真君子
不逞施朱著粉嬌

立秋後作

桐影陰涼散綠階
閑來吹管韻和諧
猶似夏峰高插
山每逢秋雨漸佳
曲肱作枕易酣臥
琢柳為杯多騁懷
誰解景光增愛惜
百年一瞬盡枯骸

秋意

壯心未平嗟道窮
淒切鳴砧蛩井梧
早已露墜白
天竹不待霜染紅
眉山才大世所忌
少陵困極詩益工
馮令弔古一愁歎
文章德業咸虛空
人言憔悴鹿皮翁
恰似秋雲薄乘風

白露後折池荷插古瓶
一花兩葉當午無焦萎

形足供老眼三日清賞

解我離羣過一枝
君子花未酣紅曲酒先鬥紫茸茶元
武湖移槩平山堂
挂楂萬千雖忘暑香不敵秋葩

西施怨

不怨夫差老破春
妾慚輕賤侍昏晨
范生救越無奇策
徒識傾吳靠婦人

迷樓

初性本弗迷自放
因自迷者諱人言
不諱乃真迷矧
敢構斯樓錫名故
徵竒天假項昇手
匠巧以傾隋光恠
失遠邇縈迴昧東
西奔走弄臣誤往
還羊車疑漫曰可
迷人詎識心先迷
引鏡撫頭顱恐是
圖儂時哂爾心不
悟何忽又知之知
之而終迷荒場千
古癡蕪城風蕭
誰見瓦礫遺宮人
多野死獨夫無家
歸

元孫裕寓忍經書後

最難受得刃加心
垂髮方知讀忍經
誠正脩齊天下治
千秋一字教人醒

孔履

近維揚等處所製曰
夫子履名與制皆非

形長尺二範模宏
首似方圓絲枲成
夾谷卻兵嚴步武
杏壇講道坦幽貞
士生也晚應高仰
僕任于家敢健行
孔履未明秋澗記
悠々嗜古博空名

題周彝臣畫

點本工疑元宋人
細參持信識周臣
琴彈逸得月來聽
催放寒梅天地春

月下吟

嘉慶戊寅中秋夕酒既酣偕姪聚之

種之兒成之扶筇劔沙社前觀月松昔護社左

右兩行立余幼至老撫之盤桓得數五因曰五

老松今維神宇創新而霆砒拔其三斤削禿其

一可慨也

况在鏡中行溪光助月明歸山二十載此夜獨怡情雲
淨眼青朗風高離誤驚社松遺五樹一樹落濤聲

十六夜六宜亭月

昨宵圓欠今宵足十丈亭孤冷吐光不有冰輪縣萬里
難分水碧與山蒼曲江曾夢翻濤白天竺猶貪落桂黃

畫燭三條都寂滅待肩行李上歸航

是歲為戊寅 恩科

不寐

反側不成夢披衣就月光徘徊上檐角空望意淒惶穴
鼠鬪穿瓦鄰雞聲過牆連蜷兩遺桂秋老未聞香

秋暑

秋色平分猶裸體桂花不欲熱中開溪山烘得赤霞足
乘過涼風暑又來

秋分後見榴花感賦

石榴綻並蒂椀大擬花王皜、秋陽驕赤勝桂減黃我
老似香山不愛小蠻妝又似劍南叟不擇美物嘗食色

固天性得之恐益荒山谿好雪月詩酒兩相忘而况非
時花如火墮池塘靜攝明初心拄杖向空望乾坤感高
厚藐然一粟藏讀易免大過敢卜身壽臧

勝蓮寺僧出魯星村墨蘭索句

皖江詩格獨清新在昔隨園論逼真一杆寒鐘夢初覺
見蘭不見畫蘭人

星村號咸唐山人居皖上首句素簡齋評魯詩語也予曾同宿寺中為詩

酒會三
數日

咸唐愛我每披肝忽臭幽花拭淚看珍重蘇髯遺墨竹

慧先碑勒虎邱山

一時走筆
誤用刪韻

九月七日登龍山詠桂

山半斜曛半斷霞僧羅揮扇逐啼鴉秋光已老風先雨
節近重陽看桂花

老夫問菊無消息誰謂登高登有白衣卻笑少年吹落
帽桂花權插滿頭歸

重陽登黃山一角樓放歌

叢菊未開蟹未肥重陽悲風颯以淒鄰翁携酒告初熟
強我作歡傾桂卮惜哉天香為溼埋日昨散絲花半摧
樹頭金粟色輕惡笛聲吹送秋鴻哀北樓一角開利眼
六、峰高天與齊秋空澄霽恍鋪海欲張兩腋乘雲飛
半隱閣看桂

香風引我上蓬閣霧裏看花老更貪日西紅半東陰半
兩樹金銀開到三

晚渡觀菊

老人持菊贈山家強我溪東去鬪茶腰腳不仁情可感
形神隨往境偏嘉霞光歷亂飛汀鷺水色空明照岫花
可惜散金才炫眼暮雲四合趁歸鴉

溪菊歌

對溪菊作菊歌今年遲開傲霜多得朋方盡醉無菊不
成秋更會詩人旨黃華始覺幽綠酒紅燈助光采胡為
慘澹顏色改喜傍東籬厭畫堂朝昏栖霞黃金裝世無
泉明空有菊約樓喚渡看花忙

黃山一角樓晚興

解人鬱熱是秋風桐葉翻飛幾箇紅三十六峰當一角
蓮華開在落霞中

澄齋葉老人招飲見瓶中黃菊揉作松枝厥狀
蘇因書一絕以贈

如金空散九秋光怪底黃龍繞畫梁恍入淵明三徑裏
撫松嗅菊捧陶觴

和鮑陶人詠白菊

如霜滿地月初白花與爭先誓不降却喜漁翁戴雪笠

輕舟垂釣在寒江
菊白者有名魚
翁雪笠一種

此首置立冬後

○冬夜見螢

寒燈疎雨聽無聲
雲黑飛光駭異星
草閣東衝忽西轉
檐牙風定落流螢

雨多

雨多湖水溢無蟹亦無魚
作伴一溪菊如醪
雨漢書少羞工世故
老得返生初菜飯不常飽
遺編貯有餘

立冬

秋末雨沈積冬開日光明
遮樓樹半紅落影窳盆清霜
輕葉少病風起松作聲
雞豚悅人口何如晚菘羹
飽腹

支孤筇登臨暫怡情

庭前月

當階孤立一盆蕉
颯颯風輕自動搖
方恨白雲天宇合
幾聲吹散隔鄰簫

寒光刮我眼中膜
老可觀書到二更
待爾遷延上樓角
琴彈一曲酒頻傾

鮑虞欽冬日偕陶人過訪

兩踏芒屨到不踈
曲廊留迹雪霜餘
古今得友多聞貴
老少忘年論道初
元亮山中開菊徑
仲圭溪上寫梅居
更招養素含貞叟
林密峰青好著書

君家棠樾龍山年
三十余家西溪不

陳園年七十一時陶人
鮑叟亦六十又四矣

題唐六如擬郭忠恕筆殘本

老眼沙中披得金
鱗如魚子筆如針
山層樹密住幽客
看瀑飛落一千尋
世亦知損棄弗忍
轉惜枉費裝池心
俗工抽底換新紙
故使精光咸暗沈
明惟君畫多麈本
撫此真蹟開塵襟
呼童張廊最明壁
坐對不覺霜風侵
恍然置身紫翠間
俯仰今昔同謳吟

年兒寄江西碧葉紅禾米熟輒適老口示之以詩
栖霞葉垂碧迎霞
禾奪紅盛來定瓷
盃琥珀光態粥
希饋以厚芬清味
與融負米仰昔賢
孺慕將母同

長至後老梅初綻

空山無雪亦無冰
數點梅花冬若春
對我衰殘凍梨面
未寒徹骨減精神

繫之姪五十贈句

韶華五十詩千首
境到無聞却有聞
意主博施非佞佛
行能守素足張軍
半生寧靜雲闕掩
終歲扶持石竈勤
何必東山誇盛饌
一尊花雪快論文

之辰
故云

十二月十五日雪
霽梅開政值盈艾

冬夜感書

耳靜此心慧神怡
衆慮寬草書能遣
興村酒亦遮寒境

到張蒼少家如石奮難不辰七十一又惜歲將殘

季冬十七日雪

宵分明朗月猶團過戶微颺動竹竿忽夢羅浮花似雪
醒時恰好臥袁安

風舞檐楹亦快哉不期降瑞早銷災三十六湍添尺浪
客心爭喜放船來

散步園林雙眼白松梅桐柏玉枝長房身入冰壺裏地
闊天高兩不知

戲答鮑山人贈藕

鴛江雪藕名聞久未食流涎笑爾曹玉臂枕時宜好夢
教人憐惜莫操刀

臘雪行

當空飄，猶撒鹽風起柳絮隨地黏謝家聯吟得形似
我復譬擬招人嫌况值年殘阻詩興無奈飛花連蝶來
無厭小如女媧煉石撥灰漏天宇大如靈臺白鳥落羽
堆屋檐遇矩彈成短長綿襪被遇規琢出萬千玉鏡匣
不浪舟前暫推檻勤思樓側忙鉤簾匪是阮稽傲慢無
青眼舊雪染汙新雪添上下四旁齊一色惟有黃山三
十六峰，更尖朔風吹面力政嚴倚杖支寒欺皓髯天
竹啄殘藏百舌瓊林深處挑小帘買得村醪沈飲醉弗

覺神形開朗清且恬。心空私欲已淨盡。境遇莫待君平占。此時哀猿歸洞少。挂樹湖海波息魚龍潛。苔梅壓折誰索笑。信手鹽韻欣獨拈。既優既渥既足需。長安滿市飢窮者難學。坡仙軟飽惟黑甜。

日暮詠雪

意似因寒徒袖手。遠山雪色與天齊。老夫秉燭空房坐。凍雀歸簷未敢啼。

絕喜霏、三日雪不煩見。現始曰消河水細流。峰半露舟車寧畏路途遙。

老梅

老梅花小卻多枝。著屐巡簷興未衰。莫笑猴冠來就沐。瓦當殘雪政消時。

絕句

滿郊風雪近殘年。檢索詩難直一錢。天果脫人塵世累。白楊蕭颯好長眠。

續聯成短歌

聯云六經載道詩其能學乎五福集身富不可求也其旁註云昔著詩經言志毛詩周韻誦法二書行於世嘉慶戊寅孟冬年七十有一孔子訓伯魚曰學詩乎又曰富不可求也余於六經得其一五福闕其一因法懸針隸書柱善於不疏園之拜經草堂

六經載道宜帶鋤。五福集身將全圖。執鞭富不可求也。趨庭詩其能學乎一得一失孰輕重。舍經祈福胡迂愚。

不幸凶德而富貴有幸固窮而師儒常持老子知足計
聖訓所好當從吾矧復及老戒在得緣為對語懸庭除
昔賢言詩少言志知音不知韻難歌敢鑄二書出問世
中含奧旨裨益多雅南葉氏傳笛譜試聽關雎古調和
金穴何如安樂窩葉澄齋著毛詩周韻歌譜惜未成書

尋梅

歲終了却尋梅債四境寒香貯一村飽受烟雲清氣得
莫勞濁酒醉花根

古黃香插餅歌

黃香鬆脩若薪束性非杞柳軍揉曲園丁新斷古紉枝
天矯盤擎麝臍馥橫庭斜壁影亦踈快供老饒期月矚
天竹顆、丹煉成上照蠟丸光滿屋年殘且酌尋梅酒
磬口嬌開笑人獨花仙果夢索奇句但願醉眠不願覺

除夜

剝、柴扉響辭年客至家送窮殘筆錄快雪啟袍遮酒
靜綠浮燈燭明朱作花隔宵忻得歲哀病恐交

加是夕親春相拜
答名曰辭年

除夜口占

吳松春色撩人眼又假秋風張翰哀此去四腮搖食指
何如團飲歲除杯

叟耐童唱待朝暾說到離愁淚也吞白髮過宵七十二

忍忘生禮報親恩

元日試書楹帖曰盡性盡誠七十春光零二載可

為可守五千書計過三餘續而成詩

盡誠盡性返生初可守可為任毀譽七十春光零二載

五千書計過三餘閉門絕賀聲華客據榻常安隱退廬

一樹梅花覆檐角對花拈韻樂何如

閑分粟啖諸孫獅子旋庭笑語喧老境清寧原是佛

童心跳舞竟如猿揮毫豈必宜春字失歲空勞介壽尊

窮到克終真有幸看人亡德暫乘軒

人假作獅舞庭中以鎮邪

續詩後感書

老戴柏枝老癡將滿百年學成寬歲月道近悟魚鳶借

柳穿金綫開冰瑒玉甌霏雨復霰風似喚添綿

俗以柏枝

作老人歲朝
挿帽簷上

多病徒眠食長貧遠子孫福梁謀未足宅眷又離門紅

綻梅歌閣白連雪壓村三杯椒酒後不計有晨昏

閒詠

風嚴刺骨寒同雲天欲雪昨夜明星爛迴飈氣凝結暮

帖校書史觸筆皮皴裂體膚受父母忍使流血袖手但

支頤燈青乍明滅身世兩空虛鈴奚語不絕

望梅

歲裏南枝點綴開
新寒不見美人來
月明恰是元宵節
風落古香浮酒杯

安居樂

不官不賈溪邨守
德孤特友耕漁叟
笛騎牛背老莫吹
釣罷維舟歌擊缶
晨餐花露暮傾樽
那識米鹽無或有
有時嗽喘如猿拘
聞佳山水又出走
三尺短拐扶持身
樂莫樂兮忘賤貧
齒脫無乳強吞飯
屋矮打頭隨欠伸
虛聲遠慕顧軒冕
詎作踰垣肥遯人
老勤猶惜日月逝
潛養真性還襟淳

書松鶴圖後

卷

此卷畫祝熨堂羅君八十壽瞬息

十數年太史歸神壻
復繼逝吾女檢寄索題為吟
四韻歸之藏於家他日亨驛長成當亦展視流涕
也

祖孫跨鶴返黃海
惟餘此卷流人間
十百成羣鳴飲啄
老松落，長歲寒
人壽未若紙墨壽
復來經眼淚汎瀾
萬事劫灰盡如此
俛仰今昔奚悲歡

人日示兒輩

立身俯不作孝弟
首為人腹醞詩書
味門清車馬塵
四民心或異三聖
道相因感悟陳
儀意作歌書爾紳

又晚眺

氣暖恨多雨風高喜忽晴三杯酒溫骨七種菜調羹
半好山面樹圍寒鵲迎相看月如斧靜耳是泉聲

園中獨吟

詩老更嗟骨易瘦歲新反怪梅先殘黃昏鳥宿衆山靜

水帶月流風激寒

梅傷於
蠹故云

月下梅

天半香風落梅開月不孤清光倒清影好教仲圭圖斜
亭紅似有隱竹白將無我亦欲眠雪鄉人爭笑愚

立春夜梅下作

老去思閑嬾聽簫曲檐巡遍亦道遙鐘將鳴亥臘寒盡
斗已建寅春意驕滿徑花明色奪月半溪水淺影衝颿
胸無塊磊何須酒有客鬪茶宜此宵

自鳴鐘西洋所製
近多效法為之

讀史有感

忍經讀罷復書紳韜隱歸來二十春漢主英雄猶失箸
江東刀裏認夫人

魏平遼東書後

司馬行師遜諸葛遼東一舉近南中當年擒縱緣心折
倘棄襄平何智攻

讀罷觀梅

財遇春來花萬千字水寬雲白眼空穿一枝最是斜簷好

有意勾魂惜暮年
仲舒學術文尊聖
司馬才華賦擬仙
獨向苔梅細評論
著書後起愧前賢

時讀董仲舒
司馬相如傳

上元口占觀對溪龍燈再續二首

風、雨、雪花天如好
揚州初月圓
七十二宵曾遍賞
長安空望思淒然

踏歌角觝競豪華
老處鄉園景亦嘉
蜿蜒窟窟遊龍落影
火光驚噪一羣鴉

鏡鼓村連近
遠聲林間雲阻
美人行爭跨竹馬
跳鱗鯉
月不逐人燈自明

詠梅多無可傳好句語因以自嘲

不才生又晚
佳句占前賢
徒借笛空弄
或教花見憐
色宜兼水月香
必絕風煙以此亦唾餘味
食將難下咽

十六夜月

明識金吾不放夜
興孤拖杖下山椒
梅花約我再招友
天水空圓補昨宵

雜詩

嗟、杜子夏小冠
日偏盲少亦同
此病不更惟拜經
漢家崇王鳳
奏記多弗從
何若闡經言
優游壽以終
黃山練水間
我生得其地
及衰憐喘促
能仁未能智
少飲莫師劉
長吟略蘇意
老作太平民
田疇四方易

不踈園梅十二絕句 并序

予手栽梅十一樹於六宜別韻兩亭間依假山而拂
水招朗月弄條風可喜也閱四十春集存百詠
惜中無一可傳可誦語意弗欲再作無如對花
不覺詩衝口出隨筆錄入勿較工拙直紀樹病
人衰觀玩之興無多日可慨也夫

形孤印首鶴相偕顧盼情生雨後佳天教此花清似我
逢春開落總關懷
古樹欲踈不欲密曾經悍蠹更橫斜空邊得月來照
影倒池亭處一花

半遮牆角半隨流昔種青年今白頭老幹強撐柯弱導
送迎主客減閑愁

靜賞毋煩紙帳眠喜同供養有雲烟黃香見面甘奴婢
冉一離凡姑射仙

光浮最怕驕陽逼待到月明色始真玉漏頻催霜政毒
愈增寒愈露精神

愛深豈畏步維艱陰晦猶從霧裏看就嗅黷點還齧齧
豁人胸臆冷人肝

一簾風細暗添香折入瓶中別夜缸品越眾芳稱國士
援毫專為譜無雙

日親幾樹坐婆娑。財飽晨飡抱瑟過。儻夢梅源觀萬本。雪山雪海興如何。

鄙夫東閣也知貧。未審園為避世龕。鐵腳踏歌寧事酒。憑君雅俗兩包含。

小鳥飛鳴嫌啄蕾。遊蜂來往惜鑽心。世間獨恨輕狂子。敢遇高賢故浪吟。

不爭羣豔自超群。奚必人云我亦云。賴爾乾坤發清氣。千秋傳句讓林君。

先望南枝次北枝。連朝爛放莫言遲。鬢髮滿裏難延歲。又憫吾衰許贅辭。

春後十日聞雷觀風梅於雙桐得夏陰之齋

松濤四落竹頻敲。鬱燠春霆走碧霄。長袖得來宜善舞。臨風恐折美人腰。

隨闌一曲一花開。箕伯狂將樹。摧香色欲無。餐有味。數枝輕摘黥歸來。

烏鵲曲

學飛鵲離巢戩翼鳥。反哺麒麟仁及物。豺狼很當路人。而鳥獸行百千口。呪咀矧違善。擇惡鳥獸將弗如。聖制達道五匪曰。夫與婦薄俗捐其三。友朋或一顧。古道望悠。未讀詩書誤。嗟哉齒我翁。日出枝頭露。嫵婉客為。

家誰勤問晨莫羞老病侵肌寧復知喜懼幸有四男兒
後塵豈無步心寒若死灰風起灰飛去餘歲擬坡仙醉
眠養貞素花月老怡情烟霞生博趣著述名山藏留為
奕襪慕不寐作此歌此歌世難悟披衣援琴彈哀音散

庭樹

婦字正韻中原
韻有遇兩收

雪後異寒飲閣中

貧尤愛冬日春來始鑿冰作書驅凍筆溫釀待寒僧閣
白花盈樹山昏月半稜苔梅不畏冷偏與雪爭澄

晚興

風勢旋西氣朗清才登草閣客來經雪殘麥髮猶添綠

日返峰腰始露青欲枕曲肱橫短榻將藜直脰倚疎櫺

寒香一徑鶯分料萬點花光映老星

適鮑姓來訪
堅辭未面

紅白梅花

艷素分明兩美人不施朱粉自停勻對他切莫杯空手
醉裏成三夢裏親

盆梅

陰寒凍不開滿眼飛輕埃莫貪園十樹歸看瓦盆梅
數點見天心明媚多顏色花白一燈青影隨光射壁
既共詩人瘦尤增詩思寒橫斜亦有致惹夢到孤山
拈筆圖尺幅羸形劇可憐枝頭添小鳥欲啣復遷延

路旁梅

何來香氣暗衝寒路轉山灣駭目觀土壁茅檐一片雪中疑高臥有素安

孟春抄觀半隱閣 大父遺梅一樹

獨立面巢居神清貌自臞百年霜雪傲六代子孫娛影落水浮動香從風有無如雲樓閣外白勝我頭顱凍不傷真氣能招逋客魂鍾情春意滿減色晚烟昏倒挂橋三曲高澆酒再溫董生好儒術老至亦窺園

無齒

經能味道酒傾尊無齒猶誇舌尚存爛煮菜根吞薄粥案勞不熟進熊蹯

答友人觀園梅贈句

老樹凝寒凍欲折主人獨對花愁絕幸花經慣等尋常烟草荒蔓守高節為煎茗粥待僧食冰堅難開埽溪雪和風一扇天宇明枝端嚶嚶鳥亂聲蘇李不速來洗殘詩腸垢滌裁句清分箋爭欲傳梅神鬢髮梅神陟降庭不寐

風尖入櫺隙雨凍寒客心反側不成寐膚躁離枕衾鷄聲傳野舍星光射疎林援瑟一再鼓感花為長吟山椒日漏紅睡魔暗來侵偃息兩目閉萬境皆銷沈

漁村詩集卷二十二

述懷

五湖徧跡復三江力欲瀾迴鼎欲扛
治郡壽王難寡二解經叔重可無雙
終童弱歲羈南越呂叟崇年翼舊邦
七十老公徒尚論蕭蕭風雨滿寒窓

偕友入園觀雪

二月花殘雪又明入門冰榦亂交橫
檐前鸚鵡言賓至十一樹梅齊笑迎

落谿白雪綠翻波春恨易銷酒易酌
此去雲間一千里

歙 汪灼

放舟當不阻關河

昌兒別將半月

欲晚

欲晚西風起山青面，開狂蜂拂牖去好鳥依人來靜
可縈詩思清能絕俗埃最佳新雨後留得半殘梅

登閣見雪裏殘梅

寒凝逼須髮滿閣成白先梅半落浮水魚多趨戲香疎
枝雪欲密鐵幹玉為裝老不畏梯險如空汎野航

孤亭晚眺

風扇微和梅送香最宜既雨放斜陽暮山欲紫烟凝碧
草色沿溪綠到莊

皓魄圓明凍蕊開恰如鄰女換粧來相逢又動詩人興

惜少何郎共酒杯

謂亡友何教峯

幽蘭

杏開花豔世忻歡九萬鵬程好振翰獨許幽人愜幽意
和風輕拂一庭蘭

百舌鳴

春意無聊賴瞻望雨絲稠龍舟歲解小兒阮金鼓上下
隨波流可恠杜鵑啼紅多慘急又恠鸚鵡嘈雪聲啾
倏然烏鵲爭巢震林樾少焉黃鸝穿柳韻悠，百鳥百
音一時作聽之誰不遣煩愁爾舌如簧既悅世奚勞笙

管束倡優噫吁嘻千秋哲婦佞幸降魂魄化為此鳥因
舌柔

春水

春水四翻瀾維舟罷釣竿魚龍得意起花柳失時殘風
冷添柔易雨多銷恨難挑燈讀史冊空為古悲歡

溪口桃花

明豔谿桃開萬千水雲寬處聳吟肩此中似有天台路
愧煞劉郎已暮年

喜晴

兩旬淫雨一朝晴堤柳深藏嘯鶯耀眼菜黃花十畝

耐人尋味是藜羹

遣年兒之小海場

春殘晨夕雨尺浪送扁舟林綠葉翻水山紅花映洲十

兒客
蘭江

離場已
十載

立夏日重脩居氏厝

鷓聲切，草芊，再覩魂輿四十年椽恨燈山題未損
形求壤吉卜難遷短修閱歷皆同夢老病單寒少見憐
可恠不情迎夏雨白雲深處挂飛泉

郊外新綠

滿林新漲綠深淺隨樹枝日臨葉光滑風輕蝶欲飛紅
紫二三月新綠四月宜是年閏四月雙晴撥雲霧出郊開襟
期婦摘豆盈把農巡麥遍畦六旬

聖主壽萬物含光熙再觀秋稼立恩德靡偏私西谿一
老民鼓腹閑拖藜面山，政青席草，初肥水色忽添
綠柳絲低到溪更喜秧針嫩待時不違時際此屢豐年
曼倩敢言飢

詠蕙俗曰樹蘭

光風微動浴沂時兩大夫開各九枝一復香肥期再復
年，綺石右丞師

白芍藥一枝

看到此花春欲去依，縞袂更相親五雲開處平山夢
卻笑一枝還乞鄰

感物偶書

庭前兩雀分檐宿不共棲飛不共鳴豈爾雌雄失儔侶
十年伴我也關情

又四月九日月下作

閏月猶首夏清和懸半壁高照知閏桐光漏碎蓬閣憶
返海邊舟激明水波息快食一江魚逸思五畝宅我今
二十年不作關河客飾巾以待終棲遲樂岩壑未見烏

鵲飛但聽松鳴鶴年兒之小海是日當買舟歸

又四月觀刈麥

傳又字專尊

莫羨人間萬戶侯常如田舍子優游年豐屆閨歡登麥

一畝芄，兩畝收

家禮

喜潔

建有背於

稽經史不著

我生性喜潔一室常掃塵頗為仲舉笑不辱伯夷身孤

月秋偏好寒梅春獨因少年今白首垢淨見天真

書吳森鮑母方淑人傳後

禮經不載婦專祠男女分龕左右宜既註聯旁知古有

如何作傳創為辭

妣獨從來母氏稱泛加族婦覺名輕男祠果許題曰考

女廟無煩必正名

鮑氏以妣名祠故及之非謂為女特祠故及之禮但不必扁以某氏某祠

曰女則太輕曰妣曰母則太重祇書以堂名乃為妥善

堂前燕

堂前燕一雙飛，相偶語欲作梁上巢憐予老獨處養

氣還元精未肯夜近女母以正妃驕室有中饋主歲，

暫同棲白頭少相與燕子惟喜新人情莫厭故看爾乍

飛來一任尔飛去

乘雨觀桐花

朝，搔首問一雨定農心新插稻苗起分流溝水深波

翻魚躍藻花動鳥歸林百尺青如許香風襲我襟

長生瓜

老我七旬又二歲，買紅瓜娛眼前。春來咸起點黑敗，不意此瓜猶鮮妍。皮乾漆潤子內燥，執搖響應久愈堅。秋風動兮感秋色，繫而不食誰見憐。咸以定盆藏以積，獲一希貴棄百千。長生之名延壽考，長生之物貽後昆。彛鼎圖書旁煥彩，豈曰碩果徒僅存。

小園寫興

百尺桐華白，眼睛滿空飛。繞聚蜂聲社，門輔養久疎。客臨沼，虛明權撫箏。蕉色映窗書，畫綠荷香撩鼻。肺脾清，祇慙衛武難勤學。自在州中自在行。

解熱

日苦炎光逼，風來勢欲焚。尋涼參米畫，靜念讀韓文。豆漬青浮水，瓜開赤降雲。草書傳晉法，銷得暑三分。

多蠅

室淨飢蚊少，偏多座上蠅。鷹頭千古畏，驥尾一時騰。膚瘦痒知免，耳鳴聲可憎。問誰持白拂，不逐效為僧。

瓶中蓮

荷折銅瓶不復開，宵分倒灌水應回。明晨儻許親君子，仰見高風入座來。

餅蓮復開疊前韻

也同池上帶烟開掩卷旋庭又幾回清酒一壺琴再鼓
蓬門忻遇故人來

詠史

踈慢獨窺^偏斌媚客斯言難必發由衷貞觀不有長孫后
少一繩愆田舍翁

遣懷四韻成三風雷驟至因有結語

讀經易熟究經難五十年功心力殫無色無聲清耳目
樂山樂水謝衣冠芭蕉葉大能安臥梔子花肥可當餐
堪笑壁間龍躍動乘雷空欲肆翻瀾

立秋

秋至日初斜臨池茂叔嗟蒼鴛留有葉比面惜無花目
慘將枯福風啼欲宿鴉雲油合復散涼月照山家
歲值四月
之閏故荷開感於五月至六月
十八日立秋而花事將謝

六月二十四日雨

軒星誕日顯靈赫風激電飛雨未酣欲拯田禾半收穫
入山再禱九龍潭

鄭雪漁以裸體小像冊索題另書一紙應命

死雖裸葬布囊盛况露生前清淨身寢必有衣絺^必表出
聖門瞻視貴儒巾

鮑北山客揚州其家饋以食物六種復遣減婢索
山居紀事書贈鮑北山

山居養拙樂顏歡。鷹鷂分梁恥折腰。世重婚媾忘執友。

我慚衰老對垂髫。運磁姪孫新為君家婿曾參晉楚寧心慕原憲。

蓬桑敢氣驕悍婦。狂奴幕中客范。人海恐殃招與其尊人。

甯齋交好故以此規之

操

池亭新月

遠峰猶弭節。初月發微光。鉤落魚驚逝。弓彎鳥預防。攢
梨三徑白。獲稻一亭香。俛此青荷蓋。無花亦納涼。

晚興

山雨勢從東。層雲猶夏聳。奇峯油。雲脚濼墨濃。十點
百點蕉聲先到耳。少焉檐牙傾注如震聲。擲紙扇執釣
筒披葛走入溪谷中。水波漾菱芡。雞冠吐紫紅。雲忽歸
岫杳無蹤。一天箕斗開心胃。手摘白玉簪。花插頭髻。彈
琴長嘯御清風。歲卜老農不歎不豐。且幸初秋幾番雨。
秋糧原野青蒙茸。貧無負郭亦可喜。看人刈獲堆編蓬。
舍南舍北倉箱總不空。

夜熱不寐

多溺卧難穩。秋菴何浪吟。短長催夢過。斷續逐更深。蟲
避搖輕箑。燈昏揭破衾。紛紜百千慮。欲盡貴清心。

既雨喜書

日匿雲迷山雨來金蛇一掣走轟雷芭蕉善舞猶長袖
可惜條々風翦開

無名野草花亦香井涌清泉煮茗忙活得南邨半山粟
小兒拍手喚爺孃

絕句

狗盜雞鳴豈易求孟嘗幾不免秦囚千軍難救一時急
孰意空教後世羞俗每引此諷當世門下客因而感賦

七月十五夜月

明月照客顏鬢眉爛銀光衰朽固其時素娥少猶常策
杖陟亭榭暑退生夜涼空溪流清淺遙峰插短長竹葉
倒印地梅枝橫上牆多病嬾圖畫觸目為端詳四壁來
蟲聲徒增志士傷湖海平如鏡老不擢舟航巖石凝似
雪居不裏餓糧幸處安樂窩隨意吟篇章野天吠孤村
顧影心傍徨露白聽鬼哭緩步歸空房

雜詠

重脰右指鼠鬚拈性澹寧知世味甜雲不似羅偏似絮
三更財放月穿簾

南海尉佗

楚漢交爭兵事多得寬南越僻山河韓彭寬殺功千古

不數稱藩一趙佗

野步觀月

入秋少零雨倍覺月光明出郭目空闊沿溪心潔清
網橫露先綴地白花頃生鄰家出牆昔愛今衰倦貪看儘

二更

百合花

雨鳩驚夢又風鴉風雨無靈農圃嗟百合香來肺先覺
許他幽澹勝萱花

白露後熱不能寐

孤村急吠犬防盜四壁長吟蟲感秋不寐起觀箕斗爛
惜無傳說解民憂

好雨

好雨秋分節蕉梧枕上聲乍醒孤客夢得遂萬家情浪
激流光碧岑遙放色明老夫惟問菊不意桂繁英

晚晴

園林蕭瑟強為歡開到海棠秋半殘日曠二分棲樹杪
雲兼五色臥峰端謀東家釀堪延客解放溪舫好把竿
牛喘垂胡耕未息松風吹得月光寒

文五峰江山書屋圖卷

文家五峯韻超勝幽逸橫生本天性明惟華亭董氏書

骨秀神清許君并寸鱗尺幅罕流傳况乃丈二圖卷筆
瘦硬入秋歡少愁轉多廿載身未歷山河瞥然層岡疊
嶂奔眼底大江滾、翻洪波松杉紫翠露欲滴密處中
藏安樂窩征帆漁網耕牧樵時聽歌聲出郊屋枰間落
子僕囊琴訪得知音彈一曲五百年來紙墨新不求善
價歸老人拓開萬古之伊藹坐卧展玩陶其真題兼石
谷松圓論畫法續以短詠孫曾珍

己卯中秋月食

圓壁脫光九分闕棘圍對策埋蟾窟亥初到子兩經時
孤負良宵好明月山村闌、震鼓聲呼脩陰德救陰精
乘醉拖藜四矯掌不見關河景物傷心情

桂

漁笛聲傳碧水灣劉安高隱自心閒秋風愛送雲鵬客
吹動桂枝馨一山

登不踈園樓觀桂

老桂著花、更稠我生七十二經秋眼看六代承膏露
始得天香貯一樓

種豈西方感氣深佛光遠照到鄰林不貪暫爾娛心目

幾樹銀花幾樹金

諺有金桂銀桂之稱

晝寢

年來百事任蹉跎竹榻橫窗著睡魔腹飽詩書容食少
日觀今古積愁多晚山霞落遙拖紫淺水風催小作波
何忽夢中花月照吳姬勸酒唱吳歌

餅菊

秋到花期風雨多溪東水漲少經過短童采得數枝菊
隨意插瓶供嘯歌

未欲花前放浪吟句傳佳色散如金紅裳香汎酒卮綠
一笑徒慙醉飽心

高其佩貓蝶圖

平生供養是雲烟老去何期老蒼年鼠輩不來侵鄰架
霜清月白好安眠

曹儷笙先生讀余詩經言志新安三老傳書贈聯
句曰奪席五經明名高太學驚筵三傳著望重

新安詩以寄謝

帝京何忽降仙翰不待歐陽始識韓老幸漢家開客館
慚非國士占吟壇名場作賦干人易草野論文知己難
絕世風流耀蓬壁雲煙滿眼起毫端

題仇實父文休承滕王閣圖序二妙

襟江帶湖濤四翻時清川后常安瀾下上帆竿插洲渚
千艘萬艘風激寒高閣兀立江之旁佇望帝子空茫茫

惟餘王君叙一首今昔傳誦增輝先畫師借景供腕底
移得江山來屋裏落霞孤鶩齊飛耶秋水長天一色耳
從來十洲工粉筆精麗豔逸伯駒匹樓臺金碧紛陸離
豪髮鬚眉儼生活是幅隨意不求工氣已吞江筆自雄
大嘉鑒賞書序語合稱二妙傳無窮世以踈落疑贗本
予從此中具隻眼不工較勝工者強物希為貴知音罕
沈、如在夢中遊

冬日畫飲

絕憐暖骨少輕裘三五杯傾氣欲浮寒減力微難勝酒
立春前祈雪

風清月朗似深秋不見同雲降瑞何老去莫營當世事
祇知豐歲足田禾

喜雪

風雪猶及臘天心即我心屋低盈寸瓦地厚積尋金煮
酒拈平韻分梁下宿禽氣衰寒覺甚袖手莫彈琴

人日感落梅二絕

小園冬不見寒香今忽繁英寒豔陽可惜歲新梅已謝
徒教紅紫鬪春光

花片飛、雜雪來泥黏帶溼葬成堆老余七十又三載

羨爾鄰家人始孩

是日家應三
生第六子

元夜

同是山村月圓明此夜新溪環十里碧燈照百家春策
杖形隨影遊龍假若真烟波漁笛起惹動我歌脣

二月十五夜六宜亭月

明月鑑我顏亦可清我神此心欲未淨如空點浮雲病
累匝一月兩見月圓勾松風吹衣裳梅新綠覆身銀漢
光下吸搖漾溪成紋高閣東園史遺園樂琴尊未敢久
延佇霜落亭孤寒

清明日感作

病杜衡門兩月春檐牙橫過羨飛禽白雲隴新添新淚
綠草墳周抱夙心春色不知郊郭滿寒愁祇覺算晨侵
猶然冬日鬆爐火坐對桃花悶自斟病未上
父母墓

雨後牡丹

國豔酣晨雨天香散晚風衣拖丞相紫面染貴妃紅許
媚貪花眼應憐禿髮翁夕陽何用泣寥寂老山中微地
只魏

紫瓜瓢二種餘
皆單葉不足觀

不踈園牡丹

紫藤樹高挂梅桂綠成叢照得花先足豔麗霞飛空風
搖蝶不來日掩色更濃桐葉小如花烏鵲來相攻脫帽
石臺下對之忘貧窮冷眼看富貴胡然熱於中花亦如

浮雲其樂始融

天陰牡丹花下口占

蜂遊多羨暖生香無奈東風力政狂
天宇四周雲白冑眼光披霧見花光

國色喜無春日逼枝端片少枯焦曾經雨潤收清淚
斜倚曲闌爭助嬌

銅帶鉤

清時珠玉豈勤搜所寶惟知善是優

聖主衣衣全法禹徒傳一帶束銅鉤

繫帶之鉤昔皆以玉今易以古懸畫

銅鉤可洗浮靡俗習

新綠

春且勵其後之人書

紅紫飄殘後葉新綠勝花波平魚影過岬曲柳陰遮未
入林深處焉知春色奢騎陽不受逼坐待落飛霞

哭春齋十弟

飼鳥栽花老共樽春多風雨最銷魂牡丹開後富人逝

再待春來看子孫花雖零落瓶留數枝獨對心傷日慘口占斷句以當哭因請挽歌書

老我八齡癡以長君方六十五春秋二堂膳有雙鉤譽

鵲忽啼紅又失儔

紫蝴蝶花歌 俗名紫石扁菊

蝴蝶花開胡蝶飛淡蛾眉若色衣招風恐爾向空去

帶雨手折乘醉歸瓶欲古花欲時老目近觀霧弗迷人
言芍藥多佳類色廣陵看遍無此色楊妃酣酒面半紅西
子吐舌體全白新安惟兩種乞向隣家得留春喜有殿
春花堂中又遇紫芝客惜如日及莊夢空有色無香遜
芍藥

謝贈芍藥

富貴花稱第一香何如婪尾性幽芳每逢月下盤盃白
莫羨橋頭腰帶黃雅極菊同彰五色格高荷許占三光
廿年空寄揚州夢得贈數枝宜醉鄉

梧桐新葉

拔地參霄綠障雲滿園景色半桐陰老夫心眼少塵累
微扇薰風一鼓琴

聞芍藥花香感作

首夏看將離殘中開數枝香來猶饋藥病去勝延醫兩
意好難合一身衰見欺惜花易零落衰病倩誰持

雨中登樓觀詩田

夏初麥半割田水白於瀾雨密牛腰重風颭老骨寒消
開器必古就正筆從寬何故書樓綠新袂色上闌

不踈園感賦

小園門閉草芊芊不讀其中近二年多竹詎嫌三徑碍

藏書偏少一經傳香山有興醉難舞巢谷不來病莫憐
樹老枝橫人亦老閑看歸鶴自清眠

題魯星村摩書梧竹居

號成唐山人

碧梧蕭疎風月寒一溪烟雨迷竹竿不踈遺園具此景
三世肥遯居其間賈人持來梧竹居半貽騷客半價沽
結體瘦礪擬是成唐筆細認紙背蠅頭姓字書金門未
識誰氏子藏之孰意落塵市字含精耀蓬廬恰與園
中境相似昔時信宿心獨許贈蘭贈句贈柱語如雲墮
空尺有五寸勤思樓樓為藏書之所松起風濤聲鶴起舞君歸
皖江三十年余亦吳山楚水空流連交雖以神勿以面
何無雙鯉達我前觀君字憶君情展誦詩章新且清補
額遺園亦可喜精多物宏君不死

夏至前二日算雨

一片白雲來几榻生暗光照我讀書史不知西日藏殷
殷雷送雨滋及萬家秧將見勃然興農心毋旁皇庭蕉
著聲大椽雀歸宿忙四注雨如醉把筵橫眠牀

飲酒

流俗酒酣惟色好高懷酒過祇吟多春水綠波先意醉
秋山紅樹又顏酡伶雖荷插寧甘死白為留名豈著魔
不是詩人莫豪飲少陵曾作八仙歌

年兒疾感書

夏夜何漫，愁憂積成海。身衰兒復病，視聽生驚駭。形
轉側聲號，腹胃背痛痕連。昏朝如泉漲，出水藏倒注。
入胃喉奔濤，一歐痛少減。刺又蹲掇如羈隸，尔痛我心
痛。尔歐我魂銷，百方百藥百無驗。叩首問天，遂願
天假爾星一紀。父兮母兮，年已高細。君稚子難輕拋，噫
吁嘻兒言大禹。惡旨酒，悔不讀書不保身。日醉促齡衰
父母

藥師 媿 嬰 無 辨 證 長 跼 禱 神

夏日讀詩

不讀毛詩十二年，今朝繙到蓼莪篇。親恩未報身徒老，
女德空懷意憐。更日轉火輪飛野馬，霞烘炎瘴落高烟。
寢搖羽萋驅蠅去，似入深林靜聽蟬。

瑞女逝時注誦欲報之德二句故云

襟詩

冬寒風欲南，夏炎風欲北。天運有其常，詎可私意測。上
古性淳樸，後漸趨澆薄。人道守其常，勿以窮通易。北溟
鯤所遊，四荒鵠所歷。一朝落谿谷，未得奮鱗翼。烏鵲擇
深林，蜂蝶避叢棘。君子素位行，無入不自得。

紫薇花

秋來老去喪明嗟，起看朝霞又暮霞。地赤天青旱千里，
紫薇爭放一園花。

好雨

好雨恁時旱山溪尺浪翻才經三伏暑頓覺一秋寒思
子情彌切同妻不乾西風能助怨吹到漏聲殘

不踈園老桂

景物淒迷秋過半牀頭賴有桂雙黃金多照眼貪難得
樹大排霄遠更香六代孫曾流澤久百年枝幹裏苔蒼
却嫌妬雨減清興捲地東風晝夜狂

忽來晴旭影蕭蕭煮茗延枚伴寂寥洵是月中含氣足
能教雲外向空飄蔭人古木邱園老折桂芳齡地府招

謂止兒
基年一任繁開任零落憂深何處破無聊

六宜亭晚書所見

峰青圍繞一亭中洗出秋容雨後工雲際盤鷹溪躍鯉
遠山日落半腰紅

卷之七

七

七

七

七

七

七

七

七



以下白页



